

二、名人赠序题词

（一）宋朱熹赠序

常考五宗之法，其迁者固百世。不迁者亦传无穷。尊尊亲亲，未常一日紊也，而子孙代代相传，生生不已，欲溯流清源，则有赖谱焉。黄氏先世，系出有熊，至伯益受封于黄，因国为民，秦汉而上，代有伟人，秦汉而下，亦多君子，唐时有司奏天下族氏，黄氏为首，是黄氏古已久甲天下矣。逮我宋大史黄山谷（即黄庭坚公）相底经学，尤一代之儒宗，曾写家谱进呈御览，上阙其历代忠孝，赐以『忠孝传家』四字荣之。而黄氏之为大族，益班班可考，今诸君继志续修，请序于余，余曰，江汉长流而不竭者，其源浚也，松柏凌而不摧者，其本固也，宗支继承而勿替者，其泽长也，而今而后，黄氏之子

孙其庶几乎，是为序。

大宋建炎元年岁次丁未（公元一一二七年）吉月吉日

晦庵朱熹拜撰

（二）文天祥赠序

家之有谱，犹国之有史。有史则国兴废有所究。有谱则家之亲疏有所考。国不可无史，家不可无谱也。余同榜黄君梦荐其族子应鼎，以其家谱示余，乃欧阳文忠公所缙谱牒，文墨煌煌而炜炜，金声而玉振，历代宦显载之兹谱不可磨也。

呜呼！黄氏之先耿于汉，绚于晋，焕于唐，烂于宋，非一日者欤！梦荐应鼎拳拳之心在于修谱，可见尊祖敬宗而重族也。苟谱不

作，亲疏无以辨，尊卑无所分，虽古之贤哲亦不尝废也。后世世祿之家，以小史明宗法。至是宗法不讲，而小史之正废。士大夫家能不忘其所自出者，赖有谱牒存焉。谱牒是修而不废守，不有赖于子孙之贤者乎！黄氏子孙何其多贤耶！累世相继而修辑之。故其世系之相续，丽丽如贯珠，井井然不乱。诗曰：孝子不匮，永锡尔类。黄氏子孙慎而厚之，为后世鉴云耳！

宋度宗咸淳元年菊月吉日（公元一二六五年）

同邑人文天祥

——江夏义城堂黄氏宗谱（第一卷）

（三）苏轼题字

黄氏遗谱 子孙保之

(四) 周敦颐题字

十龙门第 双井世家

(五) 文天祥题字

家之有谱，犹国之有史也。史以纪事实，谱以序昭穆。昭穆明则宗派乌得而紊哉。今黄氏谱牒，历历有年，传之勿失。开卷一览，上可以见先人之勋业，下可以见后昆之嗣续。非善继善述者而能之乎！书此为万世勉。

吉州文天祥敬书